

**X X X**

Ka belēks gīventē tik pēnkēs mēnotas,  
Aš nimaž nezlastiesious, nimaž nekeiksio.  
Jug senē žēnau – čiesos biegs kap pasiotēs!..  
Ēr biegs, ar aš kuolīsio anou, ar peiksio.

Ta, je kēlavuodama prēšta ēiškuosio,  
Nebūs anuo daugiau – tik gal somažietē.  
Ēr aš tiktā tuo, kas priklausa, nostuosio,  
Je parsekiuos mēslē kētēms pavīdietē.

Ka belēks gīventē tik pēnkēs mēnotas,  
Aš džiaugsious, ka ne vēina – džiaugsious, ka pēnkēs!..  
Nuors čiesos ēr biegs ligo būtom pasiotēs...  
Ēr nieks anuo nie lig pat šiuolē aplēnkēs.

Tik toukart palēksio aš atdara longa,  
Ka, viejou pašaukos, galiečiuo ēšliektē  
I dar ašaruotas pavasarē lonkas...  
Kap sapnie no smertē apnētās pabiegtē.

Pagaus?.. Tepagaun!.. Bet aš būsio jau kvietka.  
Vo rasint ēr žuolie, krūmalis ar miedis...  
Ēr smertis tou tarpo nebznuočīs jau nieka,  
Ka Pondēivs jau būs pri pat monēs besiedis.